



Postmottak, Opplæringsavdelinga

Vår ref.: 234/14/053.10/øbj/ist Dato: 28. oktober 2014

TILBAKEMELDING FRÅ ODDA VIDAREGÅANDE SKULE VEDK. «KLASSESAKA» HAUSTEN 2014

Odda vgs støttar i utkastet til justering av undervisningstilbodet for skuleåret 2015-16, med to unntak:

1) Skulen ynskjer framleis å oppretthalda tilbodet om Idrettsfag.

Grunngjeving:

- Skulebruksplanen slår fast at skulen ikkje lenger skal ha tilbodet om Idrettsfag. Leiinga ved skulen fekk likevel inntrykk av at dei hadde noko meir tid til å arbeide med marknadsføring og tilpassing av tilbodet, og la søkjartalet og reisemønsteret hjå elevane vera avgjerande. Vi fekk avslag på dette i fjor (hausten 2013), men vel å argumentere for tilbodet også i år. Idrettsfag ved Odda vgs har hatt ei god utvikling dei siste åra. Elevane trivst, og fullfører utdanninga. Søkjartalet til idrettsfag har tatt seg noko opp fram mot hausten 2013, og fråfallet er lite. Skulen ynskjer difor framleis å gje tilbodet, og la talet på søkjarar ved prognoseinntaket vere avgjerande for vidare drift.
- Tilbodet om idrettsfag har lange og gode tradisjonar i Odda, og det er viktig for Odda vgs. å ha tilbodet ved skulen. Ved å ta bort idrettsfag vil skulen bli mindre attraktiv for søkjarar frå vårt primærsøkjarområde. Skal elevar frå Odda gå på idrettsfag må dei flytte på hybel, då dagpendling er lite aktuelt. Dette er dårlige løysningar for ungdommen vår. Det viser seg at fråfallet aukar, og gjennomstrøminga minkar, når elevar må flytte på hybel allereie frå 15-16 års alderen. Dei vel difor bort idrett til fordel for andre tilbod.
- Odda er eit regionsenter i Hardanger, og treng gode og varierte skuletilbod for å stetta behova ungdommen har til å gå på skule i sitt nærrområde.
- Vi har svært gode treningsfasilitetar i nærleiken til skulen. Odda er omkransa av to nasjonalparker, og med ei auke i satsinga på naturbasert reiseliv med Røldal og Trolltunga som spyspissar, vil det vere økt fokus på Odda som ein aktiv, attraktiv og interessant plass å vere i og reise til. Her kan vi som skule vere ein viktig bidragsytar, og idrettsfaga bør kunne utviklast med økt satsing på leiarutvikling og samarbeide i ulike nettverk for å utvikle tilbodet vårt. Nettverksamarbeid har skulen lang tradisjon for å drive og delta i, og her har vi formaliserte avtalar vi kan nytte og utvikle vidare (nettverket skule – næringsliv).
- Odda kommune satsar også mykje på oppbygging og utvikling av «Campus Odda», med idrettspark og satsing på folkehelse. Dette er også eit viktig og interessant område i våre læreplanar, og skulen sine lærarar og elevar vil kunne være viktige bidragsytarar.
- Totalt har vi ei auke i elevtalet i 10.klasse ved ungdomsskulane i distriktet vårt. Vi har undersøkt kommunane Odda, Jondal og Ullensvang. Spesielt gjeld dette Odda ungdomsskule som er den største «leverandøren» av elevar. Vi reknar med ei auke i søkjartalet til Vg1 på ca. 15 elevar for neste skuleår. Samstundes har vi registrert at interessa for Idrettsfag er stor. Dette heng mellom anna saman med utviklinga av naturbasert reiseliv i regionen.

- Odda vgs ynskjer like konkurransevilkår mellom skulane i distriktet når det gjeld klassestorleik og krav til oppfylling av klassane. Elevtalet på idrettsfag i Odda dei siste åra syner at ein halv klasse (15 elevar) vil vere det som er best tilpassa vårt distrikt. I dag går det 13 elevar i Vg2 og 16 elevar i Vg3.
- Vi har lange tradisjonar ved skulen for å organisere idrettsfag saman med studiespesialiserande programområde, for å kunne spare på ressursane. Dette gjeld i første omgang organisering av tilboda i matematikk og framandspråk på Vg1 og Vg2. Vi kan også om naudsynt slå saman idrettsklassen med dei to klassane på studiespesialiserande i fellesfaga (norsk, naturfag og engelsk). I år har vi 2 klassar på ST Vg1 på totalt 50 elevar. Med ei viss auke i søkjartalet til Vg1 neste år vil det også vere gode «levkår» til ein klasse på idrettsfag på 15 elevar.

2) Innføringsklasse for minoritetsspråklege søkjarar.

Grunngjeving:

- Odda vidaregåande skule starta med tilbod om klasse for minoritetsspråklege elevar allereie skuleåret 2004/05. Med jamne mellomrom etter dette har skulen gjeve tilbodet. Vi har difor god kompetanse i tilbod til minoritetsspråklege søkjarar. Dei åra det ikkje har vore eit tilbod, har grunnskulen signalisert at dei gjerne skulle hatt ein klasse for elevar med manglande norskkompetanse. Skulen har erfart at det har vore viktig å gje desse elevane ein noko «mjukare start» i den vidaregåande skulen.
- Avgjerda om å gje tilbod om «innføringsklasse» har vore gjort dei åra det syner seg at dette er eit behov. I år har vi innhenta følgjande tal frå dei skulane som vi normalt rekrutterer frå:
 - Odda ungdomsskule: 5 elevar i 10.klasse.
 - Røldal skule: Ingen.
 - Kinsarvik skule: 2 elevar i 10.klasse.
 - Hauso skule: 1 elev i 10.klasse.
 - Jondal skule: Ingen.
- I tillegg har vi vore i kontakt med flyktingtenesta og vaksenopplæringa i Ullensvang herad og Odda kommune. Dei varslar om stort behov for eit slikt tilbod for ungdomar i den aktuelle aldersgruppa. Dei er også beden om å vurdere behovet for eit innføringskurs hjå desse ungdomane:
 - Ullensvang: 5-6 aktuelle elevar med ungdomsrett.
 - Odda: 6 elevar med ungdomsrett i 2015.
5 elevar født 1991.
9 elevar født i åra 1988-1990.

Alle desse elevane har godkjent opphald i landet, og busetting lokalt i kommunane.

Totalt vil dette seie at talet på aktuelle søkjarar til tilbodet vil liggje på ca. 20 med ungdomsrett, og i tillegg 12-14 unge vaksne utan ungdomsretten.


Øyvind Bjørkevoll
rektør